

**YANGI O'ZBEKISTON TARAQQIYOT STRATEGIYASIDA INSON  
QADRINING ULUG'LANISHI**

*Boymirzayeva Xurshida Sobirovna*

*Samarqand Davlat Tibbiyot Universiteti*

*Ijtimoiy va gumanitar fanlar kafedrasi o'qituvchisi*

### ANNOTATSIYA

Yangi O'zbekiston Taraqqiyot strategiyasida birinchi o'ringa shaxs, inson qadri yuqori o'ringa qo'yilib, "inson – jamiyat – davlat" degan yangi tamoyil asosida davlat va jamiyat boshqaruvini tashkil etadi. Bir so'z bilan aytganda, amaliy natija, inson manfaati, uning qadr-qimmati bosh maqsadga aylangan.

**Kalit so'zlar:** Strategiya, taraqqiyot strategiyasi, "inson – jamiyat – davlat", jamiyat rivojlanishining zamonaviy asoslari, milliy taraqqiyot mezonlari, Yangi O'zbekistonning taraqqiyot strategiyasi.

### ANNOTATION

In the development strategy of the new Uzbekistan, the individual, human value is placed in the first place, and it organizes state and community management based on the new principle of "man - society - state". In a word, the practical result, human benefit, his dignity became the main goal.

**Key words:** Strategy, development strategy, "man - society - state", modern foundations of society development, criteria of national development, development strategy of New Uzbekistan.

Bugungi davrda Yangi O'zbekiston "Inson qadri ustuvor bo'lgan jamiyat va xalqparvar davlat" degan muhim g'oya negizida barpo etilmoqda. Davlatimiz rahbari belgilab bergen bu ulug'vor maqsad asosida xalqimiz yangidan-yangi islohotlarning haqiqiy muallifiga aylanib bormoqda. Harakatlar strategiyasida belgilangan maqsad va vazifalar jamiyat taraqqiyotida o'zining aniq natijalarini ko'rsatgandan so'ng, 2022 yildan boshlab yangi davr chaqiriqlaridan kelib chiqqan holda "Harakatlar strategiyasidan – Taraqqiyot strategiyasi sari" tamoyili asosida keyingi besh yillikda mamlakatimizda amalga oshiriladigan islohotlarning zarur siyosiy-huquqiy, ijtimoiy-iqtisodiy va ilmiy-ma'rifiy asoslarini yaratib berishga qaratilgan Yangi O'zbekistonning 2022–2026-yillarga mo'ljallangan taraqqiyot strategiyasi qabul qilindi.

Taraqqiyot strategiyasi quyidagi yo'nalishlarni o'z ichiga olgan:

- Birinchi yo'nalish: inson qadrini yuksaltirish va erkin fuqarolik jamiyatini yanada rivojlantirish orqali xalqparvar davlat barpo etish;

- Ikkinch yo‘nalish: O‘zbekistonda adolat va qonun ustuvorligi tamoyillarini taraqqiyotning eng asosiy va zarur shartiga aylantirish;
- Uchinchi yo‘nalish: milliy iqtisodiyotni jadal rivojlantirish va yuqori o‘sish sur’atlarini ta’minalash;
- To‘rtinchi yo‘nalish: adolatli ijtimoiy siyosat yuritish, inson kapitalini rivojlantirish;
- Besinchi yo‘nalish: ma’naviy taraqqiyotni ta’minalash va sohani yangi bosqichga olib chiqish;
- Oltinchi yo‘nalish: milliy manfaatlardan kelib chiqqan holda umumbashariy muammolarga yondashish;
- Yettinchi yo‘nalish: O‘zbekiston xavfsizligi va mudofaa salohiyatini kuchaytirish, ochiq, pragmatik va faol tashqi siyosat olib borish; Harakatlar strategiyasidan farqli o‘laroq, Yangi O‘zbekistonning taraqqiyot strategiyasi O‘zbekistonni keyingi 5 yilda rivojlantirishning 7 ta ustuvor yo‘nalishi doirasida 100 ta maqsadga erishishga qaratilgan va 2022 yilda amalga oshirilishi lozim bo‘lgan 398 ta chora-tadbirni o‘z ichiga olgan. Ushbu maqsadlarga erishish yo‘lida amalga oshiriladigan sa’y-harakatlar ham aniq. Ular, o‘z navbatida, samaradorlik va natijadorlikni nazorat qilishni anchayin osonlashtiradi. Boshqacha qilib aytganda, rejalahtirilgan islohotlar natijadorligini taraqqiyotning maqsadlariga erishganlik darajasiga muvofiq ravishda baholash tizimi joriy etilmoqda.

Yangi O‘zbekistonda yangi milliy siyosiy-huquqiy, ijtimoiy-ma’naviy tizim shakllanmoqda. YA’ni, “Inson, uning huquqlari, erkinliklari, ayniqsa, qadri – eng muhim qadriyat” degan tamoyil e’tirof etilmoqda. Eng asosiysi: Yangi O‘zbekiston taraqqiyot strategiyasida yillar davomida amal qilib kelgan “davlat – jamiyat – inson” tamoyili “inson – jamiyat – davlat” tamoyiliga o‘zgartirilmoqda.

Yangi O‘zbekiston taraqqiyot strategiyasidagi yetta ustuvor yo‘nalishning bosh g‘oyasi – inson qadrini ta’minalashdir. Chunki, Prezidentimizning saylovoldi dasturidagi asosiy g‘oya ham “Inson qadri uchun” tamoyili edi.

Prezident Shavkat Mirziyoyevning “Yangi O‘zbekiston Strategiyasi” nomli kitobi chop etildi. Unda Yangi O‘zbekiston va Uchinchi Renessansni qurish bo‘yicha qilinayotgan ishlar va milliy taraqqiyot istiqbollari haqida fikr yuritiladi. Kitob muqaddima, 7 bo‘lim va xotimadan iborat.

Bo‘limlar quyidagicha nomlangan:  
 “Yangi O‘zbekiston strategiyasi”;  
 “Xalqparvar davlat”;  
 “Milliy iqtisodiyotni rivojlantirish”;  
 “Adolatli ijtimoiy siyosat”;  
 “Ma’naviy taraqqiyot”;  
 “Xavfsizlik va tashqi siyosat”;

“O‘zbekiston va umumbashariy muammolar”.

O‘zbekiston bugun yangi taraqqiyot bosqichiga qadam qo‘yarkan, yangi rivojlanish va yangi jamiyat falsafasi, ya’ni “Yangi O‘zbekiston” fenomeni ilgari surilmoqda. Shu sababdan biz bugungi kunda ushbu g’oya falsafasi atrofida jamiyatni jipslashtirish uchun xizmat qiladigan, ajdodlarimizning milliy me’rosidan unumli foydalanishimiz lozim.

Umuman olganda, Yangi O‘zbekiston taraqqiyot strategiyasi loyihasi negizida bir qancha yangi dasturlar, yangi konsepsiylar, yangi qonun hujjatlari qabul qilinishi nazarda tutilmoqda. Bu bilan mamlakatimizning siyosiy, iqtisodiy, ijtimoiy, madaniy va ekologik rivojlanishining keyingi bosqichida amalga oshiriladigan islohotlar keng qamrab olinmoqda. Shunday ekan, Taraqqiyot strategiyasining tasdiqlanishi va muvaffaqiyatli amalga oshirilishi O‘zbekistonda demokratik huquqiy davlat barpo etish hamda erkin fuqarolik jamiyatini rivojlantirish orqali inson qadrini ulug‘lashga qaratilgan ulkan maqsad va vazifalarimizga erishish imkonini beradi.

Millat taqdiriga vatanparvarlik va millatsevarlik nuqtai nazaridan befarq qarab turolmaslik, jamiyat orasidagi surunkali illatga aylanayotgan bilimsizlikka chek qo‘yish, farzand tarbiyasini eng muhim omil hisoblash sharqona didaktik asosga ega bo‘lgan ajdodlarimizning ilmiy merosida aks etgan ekan, Yangi O‘zbekiston – yangi ma’naviy makonda shaxs tarbiyalashdek o‘ta nozik va murakkab masalaga yondoshishda ajdodlarimizning boy merosidan unumli foydalanish va amaliyotga tatbiq etish bizdan izchil o‘rganishlarni va sinalgan tajribalardan zamonaviy texnologiyalar asosida foydalanishni talab etadi.

#### **Foydalangan adabiyotlar ro‘yhati:**

1. Erkin va farovon, demokratik O‘zbekiston davlatini birlgilikda barpo etamiz. O‘zbekiston Respublikasi Prezidenti lavozimiga kirishish tantanali marosimiga bag‘ishlangan Oliy Majlis palatalarining qo‘shma majlisidagi nutq /Sh.M. Mirziyoev. - Toshkent: «O‘zbekiston», 2016. -56 b.
2. Tanqidiy tahlil, qat‘iy tartib-intizom va shaxsiy javobgarlik - har bir rahbar faoliyatining kundalik qoidasi bo‘lishi kerak. Mamlakatimizni 2016 yilda ijtimoiyiqtisodiy rivojlantirishning asosiy yakunlari va 2017 yilga mo‘ljallangan iqtisodiy dasturning eng muhim ustuvor yo‘nalishlariga bag‘ishlangan Vazirlar Mahkamasining kengaytirilgan majlisidagi ma’ruza, 2017 yil 14 yanvar. - Toshkent: «O‘zbekiston», 2017.-104 b.
3. Mirziyoev Sh.M. “Qonun ustuvorligi va inson manfaatlarini ta‘minlash –yurt taraqqiyoti va xalq farovonligi garovi” mavzusidagi O‘zbekiston Respublikasi Konstitutsiyasi qabul qilinganining 24 yilligiga bag‘ishlangan tantanali marosimdagagi ma’ruzasi. – T.: “O‘zbekiston”, 2017. – 48 b.
4. Mirziyoev Sh.M. Buyuk kelajagimizni mard va oljanob halqimiz bilan birga quramiz. – T.: “O‘zbekiston”, 2017. – 488 b.

5. O‘zbekiston Respublikasi Prezidenti Sh.M.Mirziyoevning 2017 yil 13 iyundagi “Qonun va adolat ustuvorligini ta’minlash – barcha ezgu malisadlarimizga erishishning eng muhim sharti” mavzusidagi ma’ruzasidan [http://uza.uz/oz/politics/qonun\\_va\\_adolat-ustuvorligini\\_taminlash-barcha-ezgu-masadlar-13-06-2017?phrase\\_id=2579526](http://uza.uz/oz/politics/qonun_va_adolat-ustuvorligini_taminlash-barcha-ezgu-masadlar-13-06-2017?phrase_id=2579526).
6. O‘zbekiston Respublikasi Prezidenti Shavkat Mirziyoevning Oliy Majlisga Murojaatnomasi. 2022 yil, 20 dekabr.